



REPUBLIKA E SHQIPËRISË
AVOKATI I POPULLIT



Adresa: Bulevardi: "Zhan D'Ark" Nr.2
Tiranë, Shqipëri

Tel/Fax: +355 4 2380 300/315
E-mail: ap@avokatipopullit.gov.al
www.avokatipopullit.gov.al

Nr. 53

Prot.

Tiranë 01/03/2017

Lënda: Mbi përbërjen e komisionit të pavarur "Ad Hoc", që do të verifikojë dhe vlerësojë paraprakisht kandidatët nga radhët e avokatëve, për anëtarë të Këshillit të Lartë Gjyqësor dhe Këshillit të Lartë të Prokurorisë.

Drejtuar : Kryetarit të Kuvendit të Shqipërisë
Z. Ilir META

Tiranë

Kryetarit të Komisionit për Çështjet Ligjore,
Administratën Publike dhe të Drejtat e Njeriut,
në Kuvendin e Shqipërisë
Z. Fatmir XHAFAJ

Tiranë

I nderuar z. META,

I nderuar z. XHAFAJ,

Sikurse kemi sjellë në vëmendje me shkresën tonë nr.31 datë 17.02.2017, në përputhje me parashkimet e bëra në nenin 25, pika 1 dhe 2, në nenin 123, pikat 1 dhe 2, në nenin 26, pikat 1, 2 dhe 3, si dhe në nenin 124, pikat 1, 2 dhe 3, të Ligjit nr.115/2016 datë 3.11.2016 "Për organet e qeverisjes së sistemit të drejtësisë", Avokati i Popullit do të zhvillojë mbledhjen e parë të komisionit të pavarur "Ad Hoc", që do të verifikojë dhe vlerësojë paraprakisht kandidatët nga radhët e avokatëve, për anëtarë të Këshillit të Lartë Gjyqësor dhe Këshillit të Lartë të Prokurorisë.

Përbërja e përcaktuar në nenin 23, si dhe në nenin 121 të ligjit të sipërcituar, përfshin shprehimisht edhe Kryetarin e Këshillit të Emërimeve në Drejtësi, i cili mban edhe cilësinë e zëvendëskryetarit të këtij komisioni.

Në kushtet kur pas hedhjes së shortit për zgjedhjen e anëtarëve të Këshillit të Emërimeve në Drejtësi, personi i zgjedhur në cilësinë e Kryetarit të Këshillit të Emërimeve në Drejtësi ka dhënë dorëheqjen, gjendemi përpara faktit të mungesës së anëtarësisë së përcaktuar shprehimisht në ligjin "Për organet e qeverisjes së sistemit të drejtësisë", për zhvillimin normal të mbledhjeve të komisionit të pavarur "Ad Hoc".

Një nga shqetësimet tona që lidhen me mbarëvajtjen e ecurisë së punës së komisionit të pavarur "Ad Hoc", dhe në referencë të përcaktimit të bërë në nenin 23, pika 3, të Ligjit nr.115/2016 datë 3.11.2016 "Për organet e qeverisjes së sistemit të drejtësisë", ka qënë përcaktimi i emrit të anëtarit të Këshillit të Emërimeve në Drejtësi, i cili do të marrë atributet e Kryetarit të këtij këshilli.

Mbi bazën e përgjigjes që na ka ardhur nga ana e Sekretares së Përgjithshme së Kuvendit të Shqipërisë, ku na përcillet shkresa e Komisionit Parlamentar për Çështjet Ligjore, Administratën Publike dhe të Drejtat e Njeriut me nr.662/1 datë 24.02.2017, është saktësuar shprehimisht se; *"Kryetarja e dorëhequr e Këshillit të Përkohshëm të Emërimeve në Drejtësi, zëvendësohet nga anëtari zëvendësues për shkak të ligjit, i përzgjedhur me short nga i njëjti institucion"*. I njëjti qëndrim është mbajtur edhe në një opinion të misionit të Euralius-it në Shqipëri, që na është përcjellë paraprakisht me shkresën nr. 634/1 datë 02.2017, të Sekretares së Përgjithshme të Kuvendit të Shqipërisë.

Ndërkohë kemi komunikuar me shkresën tonë nr.44 datë 27.02.2017 me z. Artan Zeneli, duke e njoftuar atë në cilësinë e anëtarit zëvendësues për shkak të ligjit, të përzgjedhur me short nga i njëjti institucion, për mbledhjen e Komisionit të Pavarur "Ad Hoc", për verifikimin edhe vlerësimin paraprak të kandidatëve për anëtarë të Këshillit të Lartë Gjyqësor dhe Këshillit të Lartë të Prokurorisë, në datën 2.03.2017.

Në përgjigje të shkresës sonë, z. Zeneli ka kthyer përgjigje me një shkresë të datës 814/1 datë 28.02.2017 (kopje të së cilës po ia bashkëngjisim kësaj shkrese tonës), ku shprehet për pamundësinë e pjesëmarrjes së tij për shkaqe ligjore, pengesës për shkak të konfliktit të interesit, si dhe për pamundësi fizike për të qënë i pranishëm në Komisionit të Pavarur "Ad Hoc", për verifikimin edhe vlerësimin paraprak të kandidatëve për anëtarë të Këshillit të Lartë Gjyqësor dhe Këshillit të Lartë të Prokurorisë.

Në këto kushte, duke qënë se afatet ligjore procedurale të përcaktuara në ligj janë strikte dhe se mbi bazën e tyre, ne kemi paraparë zhvillimin e mbledhjes së parë të këtij komisioni, përfshirë këtu edhe faktin e penaliteteve ligjore përkatëse të parashikuara në rast mospërmbyshje të hapave procedurale ligjore, do t'ju luteshim të na përcaktohej përfundimisht, emri i anëtarit të Këshillit të Emërimeve në Drejtësi, që do të ketë cilësinë e zëvendëskryetarit të komisionit të pavarur "Ad Hoc", që do të verifikojë dhe vlerësojë paraprakisht kandidatët nga radhët e avokatëve, për anëtarë të Këshillit të Lartë Gjyqësor dhe Këshillit të Lartë të Prokurorisë.

Duke besuar në mirëkuptimin dhe bashkëpunimin Tuaj,

AVOKATI I POPULLIT

Igli TOTOZANI

